

جریدہ علمیہ

مشیت جلیلہ اسلامیہ مکہ جریدہ رسمیہ سیدر

غرة ذی الحجہ ۱۳۳۲

عدو: ۶

آیدہ بر نشر اول نور

برنجی سنہ

اراده سینه

حرکت ارضدن خراب اولان بوردور واسپارطه لوارینک ایجاب ایدن محللرند
ادای صلاة جمعه وعیدین اولنق اوزره مناسب کوریه جک ذواته اذن اعطاسی ایچون
بوردور واسپارطه قاضیلرینه مأذونیت اعطا اولنمشدر.
بواراده سینه نک اجراسنه مقام مشیخت مأموردور . ۱۷ ذی القعدة ۱۳۳۲

شهدت

شیخ الاسلام
خبری

فتواخانه عالی مک مقررات تقضیه سی

« محتاج ایضاح کوریلانلری حقنده تشریحات مخصوصه » [*]

۱ « عکا قاضیلکنک ۱۶ جدادی اولوی سنه ۱۳۳۲ تاریخی اعلامنک اسباب تقضیه سی »

وضع ید حقنده شهادت ایدن شهردک مزکیلری شهود مرقومه نک منسوب اولدقلری
محل اهاالیسندن اولدقلری اعلامده کوسترلماشدر .
مدعی ، نیقوله نک وکیلی منازع فیه خانه فی الاصل مورث متوفی یعقوبک ملکی اولدیغی
حضور حاکمه صراحة اقرار ایتیش وتقدام زمان ایله حق ساقط اولمیه جغه بناء مجله نک
« ۱۶۷۴ » نجی ماده سی موجب مرور زمان دعواسی مردود ایکن نظراهمیه النمشدر .
مدعی ، مرور زمان حدینه بالغ مدتده تصرفی ادعاوبونی اثبات ایتیش ايسه ده تصرف
واقع اجاره واعاره کبی بلا ملکیت دخی اوله بیلور بناء علیه تصرف مجرد ، سبب
ملک اوله مز .

[*] وثائق شرعیه نک تقضی حقنده فتواخانه عالی جه اتخاذ اولنان مقرراتک مهملری نشر ایدیلرک قضا کرامک
احوال منالیه عائد تطبیقاتده مظهر سهولت اولملری غایبه سی تعقیب ایدلمکده وتوزیع عدالت امر مهمی تأمین ایچون
کوستریلان بونجه اتهاماته قارشى عهده لرینه محول وظیفه مقدسه قضایی بحق ایشا ایدهمیان قضات حقارنده تدابیر
مخصوصه اتخاذ قلمقدده در . حقوق عبادی محافظه وحایه ایچون اتخاذ اولنان اشبو تدابیر علاقه دارلرجه لایق اولدیغی
اهمیتله درپیش اولتیلدر .

فی مابعد نشریات شو دائره ده اوله جقدر :

- ۱ — بر اعلامده متعدد اسباب تقضیه بولنورسه جریده ده امثالی درج اولنانلردن ماعداسی نشر ایدیلرکدر .
- ۲ — اسباب مذکوردهن محتاج ایضاح اولانلری کوریلورسه صورت مخصوصه ده ایضاح وتشریح اولنجه قدر .

بالاده بیان اولندینی اوزره مدعینک اقراری حسیله مدعابه خانه نك نصفی وراثتی متحقق اولانله علی حسب الفرائض تقسیم ایدلملیدر .

*
* *

✓ « یوزغاد قاضیلکنک ۵ جمادی الاولی سنه ۱۳۳۲ تاریخی اعلامنک اسباب تقضیه سی »

شاهدلرک صورت شهادتلی عیناً اعلامده یازملق لازم کلیر ایکن یازلامشدر . مشهود علیه طرفدن درمیان اولنان طعن شهود غیر وارد اولدینی اعلامده کوسترلش ایسه ده صورت طعن نه در بوکاد اثر ایضاحات ویرلامشدر . تزکیه علیه اثناسنده شهودک دخی حاضر بولندقلری یازلامشدر . مجله نك ۱۷۴۶ نجی ماده سنده مصرح اولدینی اوزره یمین استظهار بعدالاثبات ویرملک لازم کلور . حالبوکه اعلام مذکور مندرجاتنه کوره دعوای واقعه هنوز بالینه ثابت اولمشیکن اولجه یمین استظهار ویرلمش اولدینی بیانیه بو یمیندن صرف نظر اولنمشدر . یمین استظهارک شکل و صورتی اعلامده یازلامشدر .

اعلامده محکی معاملات سابقه دن استدلال اولدینی اوزره شهادت اقرار اوزرینه واقع اولش بو ایسه قرینه نك وجودینه متوقف بولنش ایکن بوجهت دخی نظر دفته آلمانمشدر .

*
* *

✓ « حصن منصور قاضیلکنک ۲۱ جمادی الاخر سنه ۱۳۳۲ تاریخی اعلامنک اسباب تقضیه سی »

منازع فیه اولان حمامک قرق سهم اعتباریه یالکز یکریمی درت سهمی وقف اولدینی بیان ایدلایکنه ومدعیه مذکور حمامدن اون ایکی سهم دعوی ایتمکده اولدیغنه کوره مدعیه نك دعوی ایتدیکی قسم وقف ویا ملک اولان قسمدن اولدینی بیان ومدعابه بو وجهله تعین ایدلامشدر . کوفقیته شاهد استماع قلنمش ایسه ده واقفک اسمی شهود طرفدن بیان اولنلامشدر . حالبوکه وقف قدیم ایسه اسم واقفک بیانی شرط دکلسه ده وقف قدیم اولمادینی تقدیرده شهادتده بیان واقف شرطدر بو جهت تفریق ووقف مذکور هانکی نودن اولدینی تعین ایدلمکسزین شهادت مذکوره نك قبولی جائز دکلدر .

انئای محاکمه ده بیان اولدینی وجهله وقف مذکورک تولیتی اولاده مشروط ایسه خیاتی تحق ایتمسدن طولای عزلی لازم کلن مدعی علی بدن بشقه واقفک اولاد ذکورلی موجود اولنجه بحکم شرط الواقف تولیت انلره عائد اولسی لازم کلیر بوجهت تحقیق ایدله دن قائم مقام متولی تعین ایدلمسی غیر جائزدر .

*
* *

« حاجین قاضیلکنک ۸ جمادی الاولی سنه ۱۳۳۲ تاریخی اعلامنک بر قسم اسباب نقضیه سی »

مدعی؛ حسنا خانمك ۳۲۷ سنه سی مارتنده زوج اولدن مخالفه اولمش ایدوکنی و کندیسی مزبورہ بی سنہ مذکورہ تمورندہ تسخایتدیکنی بیان وادعا ایتمش ایکن شہادت واقعہ مخالفہ مذکورہ نك کانون اولك یکر می برنجی کونی واقع اولدیغنه دائر وشو حالده مدعینك دعواسیلہ شہادت واقعہ یہ کورہ نکاح ثانی مزبورہ هنوز زوج اولك نکاحندہ بولندی بی زمانده اجراقلندی بی ا کلاشلدیغنه مبنی نکاح مزبور باطل ایکن دعوی وشہادت مذکورہ نك بالقبول حکم ایدلمسی غیر صحیحدر. و برده دعوی مذکورہ ده بعدانقضاء العده نکاح ایدلدیکی بیان ایدلدیکندن دعوی واقعہ غیر مصحح بولمشدر .

*
* *

باندرمہ قاضیلکنک ۲۱ شعبان سنه ۱۳۳۲ تاریخی اعلامنک اسباب نقضیه سندن :

مدعی علیہ طرفندن دفع دعوی ایدلمشکن قاضی جانبندن دفع مذکورہ نك نهدن عبارت اولدی بی بیان ایدلمیه نك مجرد دفع مذکورہ غیر وارد اولدی بی بیانیہ رد ایدلمسی مخالف اصولدر .

ایضاح :

تعلیمات سنیه نك دردنجی والتنجی ماده لریدن متفہم اولدی بی اوزرہ طرفینك صورت افادہ لر ی ضبط اولنہ رق ضبط جریده سنہ قید ایدلمسی واون ایکنجی ماده سنده اساس مسئلہ تغیر ایدلامك شرطیلہ اعلامك یازلمسی لازم کلہجکی بیان اولنیور. بوحالده مدافعاتك نهدن عبارت اولدی بی اعلامده کوسترلك اقتضا ایدر تا کہ وارد اولوب اولادی بی تمیزاً تدقیق ایدلك ممکن اولسون . دیگر اسباب نقضیه جریده علمیه ده مکرراً یازیلانلر قیلندن اولقلہ طی ایدلمشدر .

*
* *

« ساو قاضیلکنک ۲۶ ربیع الآخر سنه ۱۳۳۲ تاریخی اعلامنک اسباب نقضیه سی »

اولا، اعلامك مألندن متفہم اولدی بی اوزرہ مسئلہ ارثیہ ده مناسبہ موجود اولوب مناسبہ واقعہ قاعدہ فرضیه دائرہ سنده حل وحر وارثك حصہ سی تین ایدلك لازم کلیر ایکن بوکا رعایت ایدلامشدر .

ثانیاً، صورت دعویہ کورہ مدعی علیہك اموال معلومہ بی اخرہ بیع ایتسی وکات یا وصایت کی برصفت شرعیہ مستند اولنادیغندن معاملہ واقعہ غضب قیلندن اولہرق اموال مذکورہ نك مدعی علیہ طرفندن مشتری بہ تسلیم ایدلدیکی زمانده کی بدلك ضماً مدعی علیہندن تحصیلی لابد ایکن ثمن مسمی تحت حکمہ آلمشدر .

ایضاح :

مجله نك ١٦٣٥ نجی ماده سنده بیان اولدینی اوزره بوجی معاملاتده مدعی ایچون ایکی حق ثابت اولور. برنجیسی اومالی عیناً استراد ایدر. بودعوی واضع الید اولان مشتری علیه اقامه اولنقی ایجاب ایدر بایع علیه دعوی ایدیه من. ایکنجیسی اومالک بدلی طلب ایتکدر. بودعوی بایع علیه اقامه ایدیلور مشتری علیه اقامه اولنه ماز. اگر اومال عیناً مشتری یدنده موجود ایسه. امامشتری یدنده حین دعواده موجود دکلسه مدعی دیلر سه غاصب اولق جهتله یا بایعدن و یا غاصب الغاصب اولق اعتبار یله مشتریدن بدلی دعوی ایدر. اومال مشتری یدنده موجود ایکن بایعدن دعوی ایدیه حک اولنجه مدعی دیلر سه شرائط اجازت موجود ایسه بیعه اجازت و یروب ثمن مسمی بی دعوی ایدر دیلر سه اجازت و یرمزده قیمتی و بدلی دعوی ایدر. نه کیم مشتری یدنده اومال موجود اولماسه یا خود سائر شرائط اجازت بولماسه بایعدن یا لکز بدل و قیمتی دعوی ایدیه بیلور.

ثالثاً مدعی علیه برکونا صفتی و بر متوفی طرفدن مأموریتی اولمادینی حالده مدعی علیه مرقومک متوفانک و یرکونه محسوباً واقع اولان تأدیاتی تبرع قیلندن ایکن بوجهت نظر اعتنایه آلتقمسزین تأدیات مذکوره مدعا بهدن تنزیل اولنمشدر.

ایضاح :

مجله نك ١٥٠٦ نجی ماده سندن منقهم و شرحنده مفصلاً مذکور اولدینی اوزره بر کیمسه نك بر شخصه یا میرییه اولان بورجی دیگر کمنه تأدیه ایتدکده بلا امر تأدیه ایدر سه متبرع اولوب مدیونه مراجعت ایدیه من امر یله تأدیه ایدر سه رجوع ایدر. رابعاً : اعلامک مضمونی قاضینک استخلاف ایتدیکی نائبک و یرمش اولدینی حکمی بیانندن عبارت و کندی طرفدن حکم و تنفیذ ایدلدیکنه دائر هیچ بر قید غیر موجود در. نائب مومی الیه بحسب الانابه حاکم اولدر و بر حاکمک حکمنی مبین دیگر حاکم اعلام و یرمه من. بناءً علیه حکم اعلام بوجهتله دخی مختلدر.

ایضاح :

مجله نك ١٨٢٧ نجی مادّم سندن دخی منقهم اولدینی اوزره اعلامی و یرمک حق و صلاحیتی حکمی اعطا ایدن حاکمه عائددر. بر قاضی نك ، فلان قاضی حضورنده شو و جهله حاکمه جریان ایلش واسباب حکم استحضار ایدلش اولدینی بیانیله حکم و اعلام و یرمسی جائز اولماز.

* *

« کلاس ناحیه سی نائی طرفندن معطی و اوده مش قاضیسی طرفندن مصدق ٩ کانون ثانی ١٣٣٨ تاریخی اعلامک اسباب تقضیه سی »
اولاً ، طرف دعواده ذکر اولنان اشیانک بر قسمنک قیمتلی ذکر اولنما مشدر.

ایضاح :

بوسب نقض ایچون مجله نك ١٦٢١ نجی ماده سیله شرحنده مراجعت ایدلدیکی تقدیرده تفصیلات لازمه سیله متکشف اولور.

ثانياً ، دعوا اولئان حیواناتی زوج مرقومک صاتیغنی زوجۀ مزبورہ ادعا ایتمکده اولدیغندن مدعیہ نك او حیواناتک قیمتلیغنی مطالبہ ایتسی لازم کلورکن حیوانات مذکورہ نك عینلرینہ ویا ائمانہ دائر مطالبہ ده بولنمش اولدیغنی جهتله بودعوی صحیح دکلدر .

ایضاح:

بوسبب نقض مجله نك ٦٣٥ نجی ماده سیله شرحه یا مأخذلرینہ مراجعت ایدلدیکی تقدیرده تمامیه متضاح اولور .

ثالثاً ، احد طرفین اثنای دعواده صلحدن بحث ایتمشدر . بوصلح مبهم و مجهول قالمشدر بوصلح حقنده طرفیندن ایضاحات آلنه رق دعواى واقعیه درجه تأثیری اکلاشلمق لازم کلورکن بوكاده دقت اولنماشدر .

رابعاً : دعوی اولئان اموال و حیوانات حقنده موجود ویا مستهلک اولدیغنه دائر طرفین استجواب ایدیلهرک موجودک عیناً ردینہ مستهلک ایسه قیمتلی اثبات ایتدیریلهرک قیمتلیله حکم اولنمق لازم کلورکن اموال و حیوانات مذکورده مدعیہ نك حق بولندیغنه حکم ایدلسی غیر صحیحدر .

ایضاح:

بو بولده اعطا قلئان اعلام موقع اجرایه قولدیغنی زمان اموال و حیوانات مذکورہ نك موجوده اولدیغنی اکلاشیلدیغنی تقدیرده تکرار محاکمه اولنه رق بدللرینک بعدالاثبوت تحت حکمه النسی لازم کلور . بناءً علیه اعلام اولک هیچ بر فائده سی بولماز .
خامساً : مدعی علیه قرضاً مبلغ معین بورجی اولدیغنی اقرار ایتمش ایکن بوكا دائر فقرۀ حکمیه ده هیچ بر بحث موجود دکلدر .

ایضاح:

مدعی نك مدعیات مشروحه سنک جمله سندن فقرۀ حکمیه ده بحث ایدلک وایجاباً یاسلباً بر قراره ربط ایدلک لازم کلور بعض مدعیات مسکوت عنه قالنجه مدعی بو قسم حقنده یکیدن دعوی اقامه ایتک کلفتنه دوچار ایدلش اولور .
سادساً : تاریخ اعلام اصول صک اوزره یازلماشدر .

ایضاح:

على العموم وثائق شرعیه نك تاریخی حاوی اولسی لازم کلور . صکرده بو تاریخک ارقام ایله دکل حروفات ایله یازلسی یعنی مثلاً : فی الیوم العاشر من شوال لسنة کذا دیو تحریر اولنسی مقتضیدر . بو اعلامده اصول مذکوریه رعایت ایدلماشدر . بونک برسبب نقض اوله رق تلفیسی فتواخانه جه تقرر ایتمش اصول قدیمه دندر .

« سلوان قاضیلسکونک ۲ رجب ۱۳۳۲ تاریخی اعلامنک خلاصه سی و اسباب نقضیه سی »

مدعا علیها کندی منکوحه سی اولدیغنی ومدعی علیها دخی نکاحی بالانکار مدعی، دعواسنده مبطل اولدیغنی اقرار ایلدی دیو دفعه تصدی ایدر محاکمه بونقطه ده ایکن مدعی محکمه دن تغیب ایلر. مدعینک غیبتنده محکمه مدعی علیها دن دفع مذکور اوزرینه شاهد طلب واستماع ومدعینک دعواسنی رد ایدر.

مدعی نك دعوايه جبر ایدیه میه جکی و بنابرین دعواسنی ترکده مختار بولندیغنی درکار اولوب مسئله ده مدعی تغیب ایتمش ومدعی علیها ده بکا معارضه ایدیور دیه برکونا ادعا در میان ایتماش اولدیغنه کوره مدعینک تعیندن صکره دعوی حالیه بر اقلمق لازم کلورکن مدعینک غیابنده دعوی موجود ایتمش کبی دفعه دائر محاکمه یه دوام ایدلسی غیر جائزدر. مدعی علیها نك دفعی مدعی دعواسنده مبطل اولدیغنی اقرار ایلدی یولنده و صرف اقراره متدائر اولدیغنه نظراً بونك اوزرینه شاهد استماعی امر عالی اخیر موجبنه قرینه نك وجودینه متوقف ایکن بوکا دقت اولنما مشدر.

کرچه قاضی شاهد لرك افاده لریله تحقیقات خارجیه سنك قرینه اولدیغنی بیان ایدیور ایسه ده افاده شهود قرینه عداولته میه جنی کبی قضینک تحقیقات خارجیه سی نه در ونه کبی اساساته مستنددر اعلامده توضیح اولنما مشدر ومدعی علیها نك اثنای توکیلده و یا خود اشبو محاکمه صره سنده وجه شرعی اوزره تعریف اولندیغنی اعلامده کوسترلما مشدر.

سابقاً اعلام مذکور نائب سابقك ضبط دعوی جریده سندن تنظیم ایدلش اولدیغندن معتبر دکلدر.

ایضاح :

حاکم سابق طرفندن فصل اولسان دعوانك اعلامی تنظیم اولنش ایسه بو اعلام سبجل مخصوصنه قید اولنش اولنجه طرفینه تبلیغ ایدلش اولسه بیله حاکم لاحق سجدن اخراج ایدلشدیر دیه طرفینه اعطا و تبلیغ ایده بیلور فقط حاکم سابقك فصل دعوی و حکم توقیع ایتمسی یا لکن ضبط جریده سنده قالش بر معامله دن عبارت اولنجه حاکم لاحق بو ضبطدن اعلام تنظیم و طرفینه تبلیغ ایده من. بو اصول فتواخانه جه از قدیم اتخاذ اولنشدیر. اصول مذکور الیوم ادامه اولنیور لکن برحاکم حکمی ضبط جریده سنده مقید اولدیغنی تقدیرده حکمک ماهیتنی و محاکمه نك جریانی اخلال ایتمه جك صورتده حاکم لاحق طرفندن اعلام ویرلکده برمحذور شرعی کورلیور.

*
* *

« اوقاف قاضیسی طرفندن ویرلان بر اعلامك خلاصه سی و اسباب نقضیه سی »

مدعی عقارات معلومه مورشدن منتقل ایکن مدعی علیه بغیر حق وضع ید ایدیور

بکا تسلیم ایتسون دیودعوی ایدر مدعی علیه عقارات مذکورہ مورثک ایدی مورثک
آنی فراغہ زیدی وکیل ایتدی زید بالوکالہ عمرہ فراغ و عمرده بکا فراغ ایتدی دیر
وفراغہ زیدی وکیل ایتدیکنہ دائر بر حجت ابراز ایدر مدعی مورثک وکالت حجتک
تاریخندن شوقدرسنہ مقدم وفات ایتدی شوصورتله وکالت مصنع وفراغ کان لم یکن دردیر.
محکمہ مورثک حجت تاریخندن مقدم وفات ایتدیکنہ بینہ ایستر مدعی بونی شہود
ایله اثبات ایدر محکمہ ده. عقاراتک مدعی یه ویرلدیکنہ حکم ایدر بو حکم اسباب آتیہ ایله
نقض اولنور .

وکالت حجتی غلطه محکمہ شرعیہ سندن ویرلش اولدینی جهتله مذکور حجتک ضبط
جریده سی محکمہ مذکورہ دن جلب ایدیلهرک تعلیمات سنیہ یه توفیقاً و معرفلر معرفتله
بعدالتعریف وکالت تقریر و موکلہ امضا ایتدیریلوب ایتدیرلما دیکی والحاصل حجتک اساسی
تعلیمات سنیہ یه تمامیلہ موافق بولنوب بولمادینی تدقیق ایدملی ایدی .

ایضاح :

تعلیمات سنیہ نک ۱۸ و ۲۰ نجی ماده لرنده صراحت کافیہ موجوددر . حجت مذکورہ
تعلیمات مذکورہ یه موافق وبلا بینہ مضمونیلہ عمل ایدلسی جائز اولوب اولمادینی تدقیق و مزور
بولندیغنه دائر ادله و امارات استحصال ایدله دن شهادت ایله ابطال حکمنہ کیدلسی موافق اوله ضر .
ثانیاً مدعی موکلک حجت تاریخندن مقدم وفات ایتدیکنہ دائر شاهد اقامه ایتیش
و محکمہ ده بو شهادتی قبول ایتمشدر حالبوکه بو شهادت بحسب المعنی نفی اوزرینه اقامه
اولمشدر یعنی وکیل تعیین ایتدیکی معناسنده بولنیور نفی اوزرینه بینہ عادلہ شایان استماع
اولمادینی مجله ده مصرحدر .

رد مختارک [يوم الموت لا یدخل تحت القضاء] مبحثده دخی شویله مصرحدر
« برهن انه شراه من ابیه منذ سنه وبرهن ذوالید علی موته منذ ستین لم تسمع - ای بینة
ذی الید - » دیه مصرحدر شو مسئله نک صراحتندن مذکور حکمک عدم اصابتی
تحقق ایدر نفی متواتر بینہ سنک استماعی جای تردد اولمادیغندن مدعی مورثک یعنی وکالت
ویرن کسه نک تاریخ وکالتندن مقدم وفات ایتدیکنی اثبات ایله جکنی سویلدیکی جهتله
بونی تواتراً اثبات ایدر سه فها .

* *

« اورله قاضیلکنک ۱۳ رجب ۱۳۳۲ تاریخی اعلامتک خلاصه واسباب نقضیه سی »

مدعی، قسماً مقایضه و قسماً ده مبلغ اعطاسیلہ مدعی علیهدن صاتون آلدینی حیوانی

آخره صامش ايسه ده يدندن بالاستحقاق ، آلدیغندن مدعی علیه ویردیکی مالک بدلی دعوی ایدر .

ایکی ثمن ملک واحده اجتماع ایده میه جکندن بوکی استحقاق ناقله مدعی به کندی مشتریسی طرفندن بالمراجعة ثمن میع کندوسندن استرداد ایدلمش اولمده مدعی کندی بایعه مراجعت ایده من .

بناءً علیه قاضی اول امرده مدعی به بالمراجعة کندیسنک آلمش اولدیغنی بدلك ردیله محکوم وبدل مذکور استیفا ایدلمش اولدیغنی تحقیق ایتلیدر . و برده مدعینک صورت دعواسنه کوره بیع واقع قسماً بیع مقایضه در . بیع مقایضه احد بدلین بالاستحقاق ضبط اولندقدده بدل دیگر صاحبه عیناً رد اولنور . تلف اولمش ايسه تلف اولانک بدلی ویرلک لازمکلور ، حکم شرعی بروجه مشروح اولدیغنه کوره مدعینک مدعی علیه بدل میع اولق اوزره اعطا ایلدیکی عینک یرینه تقدی طلب و دعوی ایتیمی صحیح اولور . بوصورته صحیح اولیان دعوی اوزرینه شاهد اقامه واستماع وحکم ایدلمشدر .

*
* *

« یافه قاضیلکنک ۲۷ رجب ۱۳۳۲ تاریخی اعلامنک خلاصه اسباب تقضیه سی »

مدعیه ، مدعی علیه مبلغ معینی حقه مقرون اولیان جهندن طولانی ویرمش اولمقه استردادینی طلب ایدر مدعی علیه انکار ایدر . شهود استماع اولنور . مدعی علیه بوشاهدلر عادلردر لکن بن مبلغ مذکوری آلمدم دیرقاضی دخی مدعی علیه شاهدلری تزکیه ایتدن اقرار ایتمش اولدی دیه الزام ایدر حالبوکه بونده متعدد وفاحش خطا واردر . مدعی علیه اقرار عداولتان صورت تزکیه سی مجله نك ۱۷۱۶ نجی ماده سنده مصرح اولدیغنی اوزره « شهادت لر بنده عادلاردر » تعیریدر . حالبوکه حادثه ده مشهود علیه صورت تزکیه سی بویه دکلددر .

مجله نك ۱۷۱۶ نجی ماده سنده مشهود علیه « بونلر عادل ادملردر دیملکه مدعایی انکار ایتسه حاکم حکم ایتیموب شاهدلری سرأ وعلناً تزکیه ایدر » دیه مصرحدر واقعا شاهدلر عادل اولمقه برابر کندیلرندن خطا ونسیانک وقوعی جائزدر . شاهدلرک عادل اولمسندن کلاملرینک صواب اولسی لازم کلر .

استماع اولتان شهوددن شاهد اول مدعیه نك مدعی بهی مدعی علیه بالذات تسلیم ایتدیکنه شهادت ایتمشکن شاهد ثانی ، مدعیه مبلغ مدعایی شاهد اوله ووروب اوده مدعی

عليه ويرديكنه شهادت ايتمشر . بوصورته شهادته اختلاف واقع اولديني كې شاهد
ثانيك شهادتي دعوايه دخي مطابق دكلدر .
واقعا حكم قاضي ، شهادته دكل اقراره مستند ايسهده اقرار مذكورك مدار حكم
اوله جق ماهيته اولامسندن طولايي محاكمه جديدهده شهادتك بوجهتي دخي نظر اعتباره
آلتق لازم كلور .

*
* *

« اوف قاضيلكنك ١٨ شعبان ١٣٣٢ تاريخي اعلامتك اسباب تقضيه سي »

زوج ، مدعي عليها اولان زوجه سني مهر معجل ومؤجل مقابلنده تزوج ايلديكي
فقط مهر معجلني تسويه وايفا ايتديكي بيانيله اطاعتي طلب ايتمشر . مهر معجلك
ايفا ايلديكي زوجك قول مجردنده قالمشكن قاضي اطاعته حكم ايتمشر . حالوكه زوجه نك
مهر معجلني استيفا ايلديكي ثابت اولدجه اطاعته جبر اولنه من وعدم اطاعتدن طولايي
زوجه ناسزه اولمز .

مدعي عليها ايكي درلو طلاق ادعا سنده بولنش وبعد الحصر من بوره نك اقامه ايتديكي
شاهدلر بروفق مدعا شهادت ايدمه دكلري اعلامده كوسترلش ايسهده ايكي درلو طلاقدن
هانكيسنه شهادت ايتديلر وشهادت نه وجهله واقع اولديكه دعوايه موافق كلدي بوجهت
اعلامده كوسترلامشدر .

طلاق ثلاثه كې شهادت حسب قبول اولنان مواقعهده حصر شهود معتبر اولمادي ني حاله
بوجهت نظر اعتنايه آلتامشدر طلاق دفعي بالينه ثابت اولمادي ني تقديرده بوكي حقوق
شرعيهده زوجه طالبه اولماسه بيله منكر طلاق اولان زوج طرف قاضيدن تحليف اولنق
مقتضي ايكن بوندن دخي ذهول ايدلمشدر .

لزوم اطاعته حكم اولنه بيلمك ايچون زوجك تدارك ايتديكي مسكنك ، مسكن
شرعي اولسي لابد ايكن بوبابده بركونا تدقيقات اجرا ايدلامش ومسكن شرعي اولديني
تحقيق ايتديرلامشدر .

*
* *

« دياربكر قاضيلكنك ١٨ ربيع الاول سنه ١٣٣٠ تاريخي اعلامتك خلاصه اسباب تقضيه سي »

مدعي مدعي عليهاي نكاح فضولي ايله تزوج ايتمش اولديني ادعا ومن بوره انكار ايدر
شهودي محلنده استماع ايچون نائب كوندريلور اوده استماع وحا كه انها ايدر نهايت من بوره نك

تحلیفی ایچون ینه نائب کوندریلیر اوده تحلیف ایدر مجله نك ۱۸۰۶ نجی ماده سنده مصرح اولدینی اوزره کوندریلین نائبك حکمه مأذون اولوب اولمادینی اعلامده کوسترلك لازم ایدی چونکه حکمه مأذون دكسه آنك استماع ایلدیکی ینه ایله قاضینك حکم ایتسی غیر صحیحدر حکمه مأذون ایسه بونك اعلامده ذکرى لازم کلیردی .

بوندن صکره مدعی علیهانك تحلیفی ایچون قاضی کاتبی اقامتگاهنه ارسال اوده تحلیف ایدر بونده دخی کاتب حکمه مأذونمی دکلې تصریح ایدلامشدر . حکمه مأذون دكسه کیفیت تحلیف ونکولك امناء شرعه برابر قاضی به انها ایدلمسی مقتضی ایکن بوکا رعایت اولنماشدر حکمه مأذون ایسه اسباب حکمی استحصال ایدن کاتب مومی الیه اوله جغندن وبرحاکم اکل ایلدیکی محاکمه نك حکمی کندیسى ویرمسی لازم کله جکندن جریان محاکمه حاکم طرفندن کاتب مومی الیه بعدالاجار مومی الیهك حکم ویرمسی مقتضیدی . تانار خانیه ده مصرح اولدینی اوزره بوکی مخدره نك تحلیفی ایچون برنائب مأذوناً بالحکم اولیه رق ارسال اولدینی تقدیرده صورت تحلیف قاضی طرفندن قرارلشدیریله رق صورت مقررۀ مذکوره وجهله نائبك یمین ویرمسی ایجاب ایدر ایدی حالبوکه اعلامده بوجهت کوسترلیور .

نائب طرفندن بیان اولنان صورت تحلیف « نکاحی حین استماعده مجیزه اولمادیغه » دائردر . حالبوکه نکاحك فضولا ووقوعی وصرکرده اجازتك لحوق حقنده اعلامده برکونا دعوی مسبوق دکلدر بوتقدیرده صورت محرره وجهله تحلیفك « حین استماعده مجیزه اولمادیغه » ديه تقييدك سبب شرعیسی دخی ایضاح ایدلامشدر . صورت شهادت اعلامده یازلامش وتزکیه دخی مجله ده مصرح اولدینی اوزره اجرا ایدلامشدر .

*
* *

« بالیه قاضیلکینک ه شعبان سنه ۱۳۳۲ تاریخی اعلامنك خلاصه سی واسباب تقضیه سی »

مدعیه ، زوج غائب شو مدعی علیه شوقدر مبلغ ویردی ویدی که زوجه می بوشادیم زمان بوباره بی مهری اولق اوزره اکا ویر زوجم غائب فلان بنی بوشادی مدعی علیه او پاره بی بکا ویرسون .

مدعی علیه طلاق انکار وباقی مدعیاتی تصدیق ایدر . مدعیه نك صورت دعواسی زوج غائبک مزبوریه بی بوشادم دیدیکنه دائردر بوایسه

اقرار اولنوب بالا قرينه اقرار اوزرينه شاهد استماع اولنمز اسباب موجب سيله دعوى رد اولنور . حالبوكه ادعا اولنان طلاق صورت دعوايه كوره اقرار دكل ؛ انشادر بناء عليه بوكا اقرار دينلمسى و فقدان قرينه دن بحث اينسى نفس الامر و سبق ايدن دعوايه مخالفدر . فقط دعواى واقعيه كوره مدعيه نك مقصدى خصم جعلى اتخاذا قلنان مدعى عليه مواجهه سنده زوج غائبى عليه طلاق اثبات ايتكمدر حالبوكه رد مختارك فى القضاء على الغائب بمختلده مفصلاً بيان اولندينى اوزره غائبك اضرارنى منتج اولان بوكي خصوصاً سنده محاكمات اجرا سيله حكم اعطاسى صحيح اولماديغندن قاضى بومسئله شرعيه يى نظراعتباره آلهرق دعواى واقعيه تحقيقاته كيريشمكسز ين رد ايتمى لازم كلوردى .

ايضاح :

مادام قاضى دعوايى رد ايتمدر . سبب حكم اعتباريله موافق شرع دكلسده نتيجه اعتباريله موافقدر بو حالده نتيجه اعتباريله تصديق ايدلمسى لازم كلور ديه بر سؤال ايراد اولنور لكن اسباب باطله يه مبنى اولان حكمك تصديق انشاء طلاق اقرار و اخبار اولسك قبولى تضمن ايتديكى كي زوج غائب عليه بوكي حيله نرايله طلاق دعواسك اقامه سنه مساغ و جواز شرعى بولنديغك تصديقي احتوا ايدر .

*
* *

« خداوندگار قاضيلكنك سلع ربيع الاول سنه ۱۳۳۲ تاريخلى اعلامك خلاصه و اسباب تقضيه سى »

مدعيه ، كنديسى بسلمك شرطيله مدعى عليه مجاناً معلوم ملك خانه مى فراغ ايتدم بسله ميور كير و ايتدم مدعى عليه ، مذكور خانه نك مبنى بولندينى عرصه يى مدعيه دن ايكي بيك غروش ثمن مدفوع مقابله سنده اشترا ايتدم خانه يى مؤخرأ بن انشنا ايتدم مذكور خانه نك يكرمى التون بدل مقابله مدعيه طرفندن مدعى عليه بيع ايدلديكنه دائر سندن خاقانى ابراز ايدر بوسنده بناء قاضى مدعيه نك دعواسنى رد ايلر مدعيه ، مدعا به خانه اولديغنى و مدعى عليه خانه اوليوب عرصه اولديغنى ادعا و مدعى عليه مذكور عرصه يى ايكي بيك غروشه آلديغنى درميان ايلديكى حالده سنده خانه محرر بولتمسى و بدل كده يكرمى ليرا اولديغنى يازىلى بولتمسى جهتيله سندن خاقانى ايله مدعى عليه ك افاداتى ارده سنده توافق غير موجود ايكن بركونا تحقيقات اجرا قلنمقسز ين بوجه محرر توقيع حكم اولتمسى غير صحيحدر .

*
* *

« يافه قاضيلكنك ۳۰ شعبان سنه ۱۳۳۲ تاريخلى اعلامك خلاصه و اسباب تقضيه سى »

مدعى ، تركيه عائد اتمارى مدعى عليه طوپلا يوب اشترا ايتمش اولديغنى جهتيله بوندن بعض ورثه يه عائد حصه يى دعوى ايدر بوبابده بر حكم اعطا و اعلام اصدار اولنور .

فقط ورثه منحصره کیملردن عبارتدر وبونلردن مدعی بولنانلرك حصه ارثیه لری نه قدردر دعوی ایضاح ایتدیریلرک تصحیح ایتدیرلماش ومدعابه مجهول قالمش وبناء علیه مجله نك ۱۶۱۹ نجی ماده سنده ایضاح اولندینی اوزره دعوی مذکوره غیر مصحح بولنش اولدیغندن اولادعوانك تصحیح ایتدیرلسی ومسئله میراثیه نك بر موجب فرائض ترتیب وسهامك تعیین ایداسی لابد ایدی. مدعی علیه طویدن اشترا ایتدیکی ائماردن مدعیله عائد حصه طلب اولنمقده ایهده مدعی علیه بولنری کیمدن صاتون آلدینی تعیین ایدلملی ایدی برده عاقد کیم ایهه مجله نك ۱۴۶۱ نجی ماده سی موجبجه حقوق عقد آکا عائد اوله جغندن عاقدك دعوی ایتسی یاخود مدعی نك عاقد مرقوم طرفندن وکالت استحصال ایتسی لازم ایدی .

مدعی ، مدعی علیه اشترا سنه اجازت ویردیکی بیانیه ثمن مسادن حصه طلبنده بولنور ایهده بونك سحتنده مجله نك ۳۷۸ نجی ماده سنده محرر شرائطك وجودی مقتضی ایکن بوجهت حقنده هیچ بر تحقیقات اجرا ایدلماشدر .
دعوی واقعه حضاره عائد حصه یه منحصره اولوب کبارك حصه سی حقنده بر کونا دعوی مسبوق اولمادینی حالده مجله نك ۱۸۲۹ نجی ماده سنك صراحتنه مخالف اوله رق کباره عائد حصه دخی تحت حکمه الئمشددر .

صورت شهادت مدعی علیه مبیع پورتقال ثمنی اعطایه تعهد ایلدیکنه دائر وبوتعهد کفالت اولدیغنه کوره مکفول عنه کیمدر کیمك بورجه تکفل اولئمشددر بوجهت ایضاح اولئماشدر بناء علیه صورت واقعه وحکم مشوش وغیر صحیح بولئمشددر.

*
* *

« المال قاضیلکنك ۱۰ رجب ۱۳۳۲ تاریخلی اعلامك اسباب تقضیه سی »

۱ — متوفانك ترکه سندن بقالیه ومانیفاطوره ائمانندن مبلغ معین دعوی اولنوب فقط اموال مذکوره نك متوفایه تسلیم اولندینی دعواده بیان ایدلماش ایکن محتاج تصحیح اولان اشبودعوی اوزرینه بینه اقامه اولئمشددر .

ایضاح :

سؤال : مجله نك ۲۶۲ نجی ماده سی موجبجه اولاد مشتری ثمنی بایعه ثانیاً بایع مبیعی مشتری یه ویرمهک مجبور اولدیغنه کوره حادثه ده تسلیم مبیع حقنده ایضاحات اعطا ایدلك لازم گلر وبناء علیه بوسبب نقض وارد اوله من.

جواب: ثمن تسلیم اولنه جنی صرده مبيع حاضر موجود اولينجه تسليم ثمن لازم کليه جکی دخی کتب فقهیه ده مصرحدر.

حتی، مدعی ثمن مبیعی ادعا وبالا ثبات حاکم دخی او بولده بر اعلام اعطا ایتش وبعض علما بو اعلامک نقضی یولنده «طالبه بتسليم الثمن ولم يذكر انه سلم المبيع الى المشتري ويحتمل انه هلك في يد البائع قبل التسليم وعلى هذا التقدير الثمن لا يكون لصاحب المبيع بل يبطل البيع وانما يكون الثمن للبائع اذا سلم المبيع الى المشتري فان لم يذكر التسليم لا تكون دعوى المطالبة بتسليم الثمن صحيحة» ديه سرد اعتراض ايله کلری هندیه ده مصرح بولمشددر.

۲ — مدعی، متوفانک ویرکویه اولان مقدار معینی ویرمش اولدیغندن بمحله ترکه دن دعوی ومحکمه ده حکم ایتمشدر حالوکه مدعی بو مبلغی متوفانک امریله ویرمش اولدیغنی سویله مامش و بناء علیه بوجهته دائر اولان حکم دخی غیر صحیح بولمشددر.

بونک تفصیلاتی مجله نك ۱۵۰۶ نجی ماده سیله شرحنده مذ کورددر.

۳ — مبلغ مدعابه ورثه نك اقرار لرلیله ثابت اولمش اولدیغندن یالکز مقر بولنان ورثه کبارک حصه لرینه اصابت ایده جک مقدار ایاله حکم ایدلمک لازم کلیردی حالوکه قاضی کلیسیله حکم ایتمشدر.

بومسئله نك ایضاحی مجله نك ۱۶۴۲ نجی ماده سیله شرحنده مذ کورددر.

*
* *

✓ «آیدین ولایتی مرکز قاضیلکنک سلخ جمادی الاخره ۱۳۳۱ تاریخی اعلامنک اسباب نقضیه سی»

مدعینک دعوی ایتدیکی اموال متعددده دن بعضیلرینی مدعی علیه اقرار و دیگر قسمینی انکار ایتش و منکر اولان قسم اثبات ایدبله مدیکی کبی یمین دخی تکلیف ایدلمامش اولدیغنه کوره اقرار اولنان اموال دن مدعی یه عائد اولان حصه ایلله حکم ایدیلرک محاکمه نك انتاج ایدلمسی لازم کلیر ایکن غیر صحیح اولان صلح ایلله عقد مصالحه ایدلمشددر. زیرا صالحی عقد ایدن؛ طرفینک خصومه وکیللری در کتب فقهیه ده مصرح اولدیغنی اوزره خصومه وکالت صالحه وکالتی مستلزم اولمز بوندن بشقه ایکی طرف وکیللرینک بوصلاحه راضی اولدقلری اعلامدن منقهم اولیور.

*
* *

✓ «ساروخان قاضیلکنک غره شعبان ۱۳۳۲ تاریخی اعلامنک خلاصه اسباب نقضیه سی»

خراب اولان برزاویه نك شیخی کندی خانه سنی زاویه اتخاذ ایتش اولدیغندن بمحله شخصات معلومه نك اعطاسنی دعوی ایده رک تحت حکمه آلدیرمشدر.

اصل وقف اولان زاویه نك خراب اولدیغنی مدعینک تحت اعترافنده اولدیغنه و مصارف

تعميريه وظائف اوزرينه مقدم بولنديغنه مبنی خراب زاويه يی حال اصليسنه ارجاع واعمار
ايچون بالجله وظائفك قطع ايدلسی لازم كلور.

ايضاح :

هدايله ووقف الاشباهده ورد مختارده بيان اولندينی اوزره مصارف تعميريه وظائف
اوزرينه مقدمدر زیرا واقفك مقصدی غلہ نك مؤبداً صرفی اولوب بوايسه انجق عمارتله ممكندر
بناءً عليه وقف تعميره محتاج و ترك تعمير وقفك خرابی موجب ووقفه ضرر بين موجود ايكن
موجود اولان غلہ وظائفه صرف اولنه ضرر متولی صرف ايدرسه ضامن اولور. اصحاب وظائف
تعميره راضی دكلز غلہ يی بينمزده اقتسام ايدرز ديه منزلر.

وقف زاويه عائد ربك ديكر محله صرفنده مساغ شرعی اولندينی حالده مجرد غلہ وقفی اخذ
ايچون كندی خانه سنی زاويه اقتضای ایدن مدعينك حركت واقعه سی مشروع عد ايديله رك غرض
واقفه مخالف اولان معامله مذكوره نك قبول ايدلسی و وقف زاويه نك خرب براغلمسنة میدان
ويرلسی مخالف شرع عاليدر.

*
* *

✓ « سوريه ولايتی مرکز قاضيلكنك ۱۹ جادی الاخره ۱۳۳۲ تاريخی اعلامنك اسباب تقضيه سی »

۱ — وضع يد شاهدلرندن محمودك سرأ تركيه ايدلمش اولدينی اكلاشلما مقبله برابر
حاکم لاحق حضورنده تکرار وضع يدك اثباتی لازم ايكن بوجهت اھمال ايدلمشدر .

۲ — مدعی عليه طرفندن درميان ايدیلن ادعا مسموع ايسهده مدعی عليهك مقدما
سبق ایدن اقراری سندہ یعنی آناسنك مالی اولديغی مبین اوله رق اعطا ایلدیکی حجز
استدعاسنه مربوط اولديغی بيان ایلدیکی جهتلہ مجله نك ۱۶۷۴ نجی ماده سنك فقره اخيره سی
موجبجه بونك ثبوتی تقدیرنده مرور زمان مندفع اولور.

بناءً عليه مذکور استدعانك جلیله مذکور استدعاده موضوع امضا و یا مهر حقنده
محاکمات و تدقیقات اجراسی لابد ايكن بوكا دقت ایدلماه مشدر.

مجلس تدقیقات شرعیه مقرراتی

« اموال غیر منقولہ نك خارجاً بیع و فراغندن متحدث دعاوی به دائر »

فتواخانه عالیدن اعاده تودیع ایدیلان معموره العزیز قاضيلكنك اشو عريضه سی
وفتواخانه مشار الیھدن بالايه محرر درکنار قرائت اولندی